

活豬供應增 一斤九十蚊

零售價要回復昔日水平 視乎內地供應量

內地去年受非洲豬瘟疫影響，活豬供應大減，供港活豬量相應減少，價格持續高企，令港人要捱貴豬肉。隨着近期內地供港活豬增加，豬價亦回落，前日平均拍賣價每擔不足3,000元，是上月最低價。本港業界人士接受香港文匯報訪問時表示，近日活豬零售價稍有回落，每斤瘦肉由早前需過百元跌至約90元，但能否進一步回落至以往每斤70元至80元水平，須視乎內地供應量會否持續增加。

香港文匯報記者 高俊威、明其道

內地供港活豬數量自非洲豬瘟爆發後大減，由過往每日平均達4,000隻，至近一年每月日均少於2,000隻，平均拍賣價亦由每擔約1,200元，升至逾3,000元。上月12日單日入口量更低至僅1,288隻，拍賣價達4,235元，翌日供應量略增至1,373隻，拍賣價反升至4,338元新高，而當時每斤瘦肉零售價可達120元。

隨着近期內地供港活豬數量增加，豬價有所回落。上月最後3日，每日內地活豬入口量均逾1,700隻，較上月中其中3日只有1,288隻至1,423隻大增，平均拍賣價亦由當時逾4,000元，大幅下降至約3,000元，前日更回落至僅2,964元，是上月最低價。昨日內地活豬供應量1,732隻，拍賣價則為3,044元。

鮮豬肉零售價亦見回落，香港文匯報記者昨日下午到黃大仙大成街街市巡察，發現豬肉零售價較之前下跌，每斤瘦肉昨售80多元至90元，一斤排骨則賣90元至100元，普遍跌近一成。

肉販：豬價4月猶如「過山車」

豬肉檔職員張先生表示，豬肉價4月猶如「過山車」，以一斤瘦肉為例，4月初只要70元；至月中特別是13日、14日升至110元高位，現回落至90元。他直言，目前經濟欠佳，售價相當影響肉檔生意：「月中嗰陣時，我哋一日返咗兩隻豬都賣唔晒。」

另一豬肉檔職員陳小姐亦認同豬肉價浮動幅度大：「我哋做零售嘅，冇辦法，個拍賣價有時3,600蚊，有時4,200蚊，差成600蚊，變化太大無可能全數轉嫁市民，所以希望政府可以保證到入口豬數，穩定豬價。」



內地豬場陸續恢復生產，令供港活豬數量逐步增加，價格亦稍為下降。圖為內地一養殖場準備裝車銷往香港的活豬。 資料圖片



因供港活豬數量略增，豬肉價下滑。香港《文匯報》一直關注豬肉售價問題並作專題報道。 資料圖片

豬瘟受控豬場復產價格回落

香港豬肉行總商會理事長許偉堅指出，近期內地非洲豬瘟疫受控，檢疫尺度略為放寬，加上內地豬場陸續恢復生產，令供港活豬數量逐步增加，價格亦稍為下降，每斤瘦肉售價回落至100元以下，至於能否進一步回落至以往每斤70元至80元水平，則要視乎內地能否持續增加供應，單看幾日的數據或未能作準。

商務部新聞發言人高峰日前在回應香港文匯報記者提問時指出，中央政府高度重視香港市場農副產品穩定供應，商務部已會同主供省份和代理行進一步摸查供港活豬生產情況，督促企業將滿足供港標準的活豬盡快出運，企業也全力調運貨源。

日期	內地進口量	本地供應量	總供應量	平均拍賣價 (每擔)
4月5日	1,807 (4月最多)	466	2,273	3,462元
4月12日	1,288 (4月最少)	680	1,968	4,235元
4月13日	1,373	509	1,882	4,338元 (4月最高)
4月30日	1,729	225	1,954	2,964元 (4月最低)
5月1日	1,732	253	1,985	3,044元

近期活豬供應量及拍賣價

資料來源：食環署 整理：香港文匯報記者 高俊威

「龍門」又嗆告急 「黃絲」籲咪盲撐

網議政事

醜聞連環爆嘅「人血龍門」(龍門冰室)近日告急，話自己燒咗好多錢，又開始情緒勒索「黃絲」去幫襯。「黃絲」食評facebook專頁「猛烈南瓜在飯桌」每日出post，不點名咁揶揄「人血龍門」連開分店，仲高價租舖開冰室，「如果當初肯聽取意見，做好本分，不急于擴充，就唔使告急啦。」有「薑粉」當然都係繼續鬧佢人「分化」、「落井下石」，認為佢哋要幫「黃圈」就應該講加油，要團結先得，呢啲「黃納粹」思想睇到同路人忍唔住話：「原來本(界)錢要食垃圾坡可以出聲話有幾難食之餘兼且重(仲)要講加油？」

「人血龍門」有幾難食，幾乎有味蕾嘅人都試得出，「猛烈南瓜」不點名批評「人血龍門」，最後半載頭盔半補刀

咁話：「嘩，我只係評論佢哋嘅出品咋，無咩事我都係繼續支持那些有質素的『黃店』先。」

唔少「黃絲」都籲同路唔好盲撐。「Rance Wong」話：「一直都只會去無排長龍而味道合格或以上既(嘅)『黃店』，其實揀揀都唔算少，大家比(界) d (啲) 時間，行多兩步，留意多 d (啲) 就一定搵到。仲幫襯難食左(啲) 半年有多既(嘅)『黃店』，其實『黃色飲食圈』唔會有進步……」

「Vienna Wong」就話：「真心唔明去食店唔講食物質素講乜，講感情？咁我返去食老母啦！我媽『黃到金』架(嘍)，仲唔使錢天(添)呀！」

直批龍門蝕錢奸有好輸

「Henry Yeung」就覺得龍門蝕錢係奸有好輸，「食住個勢狂開分店=想食埋其他小店個(嗰)份。」「猛烈南

瓜」再補刀話龍門之前搞埋物流、美容等：「仲要跨界別。」「Henry Yeung」就模仿龍門解畫揶揄：「拿(啲)，都係為左(啲)幫『手足』，要幫『手足』就業！」

「Lam Yip Ming」就話：「同路弱勢小店，支持返無所謂；食住個勢想發團嘅，sorry 幫唔得咁多。」「Alan Wan」認為大家唔使為龍門擔心：「剩係計佢浮左(啲)上枱面盤數，賺落啲啲夠佢蝕N季啦！」

「Corrcian Chiu」就好心提「猛烈南瓜」：「小心『龍門粉』，好惡架(嘍)。」咁又睇吓龍門嘅人有幾惡。「Ten Ny」就話，其實好多有立場嘅餐廳或藍店都唔好食，質疑「猛烈南瓜」「何必要咁樣去搞起碼肯企出黎(嘍)嘅人」，話佢應該可以「有建設地幫到黃色經濟圈」，「就算唔出聲，都不至於落井下石」喎。

「YellowObject Wong」亦批評「猛烈南瓜」，但話如果有實質意見，應該私下搵老細傾，要公開開就鬧藍店。另一個值得貼堂嘅係「M Kirs Ten」嘅留言，但話有餐廳可以好似「人血龍門」咁全面照顧「手足」，「所以，正面少少加個油，團結d (啲) 好d (啲) 嘅。」

諷「戴咗政治光環就大晒」

「猛烈南瓜」似乎都有驚過，就話覺得「人血龍門」要做好本業先，仲話如果對方有聽意見，「就唔使等到《蘋果》出手救。」「Patrick Pau」就睇吓「黃納粹」留言睇到嘩嘩聲：「原來比(界)錢要食垃圾坡可以出聲話有幾難食之餘兼且重(仲)要講加油？戴咗政治光環就大晒，唔洗(使)做好本份？唔怪得啲議員唔做功課唔出席唔投票一票，下一屆都會選佢嘅……」

香港文匯報記者 甘瑜



袁嘉蔚話自己嘅元氣壽司門口講兩句，搵到幾個人唔再排隊。 袁嘉蔚fb圖片

監察新科議員

泛暴區員無品 威脅元氣排隊食客

「黃絲」之前嘅香港大搞黑暴，「裝修」、「私了」，搞到市民冇晒免於恐懼嘅自由，唔敢發聲。疫情啱啱平穩，啲黑暴頭目又蠢蠢欲動，本身係自決派組織「中箭(香港眾志)」前成員嘅泛暴區區議員袁嘉蔚喺facebook好得意話，自己嘅之前被黑暴「裝修」嘅元氣壽司門口「霸氣」(嘍)講咗句『點解而(啲)家都仲有人食元氣壽司?』搞到幾個人唔再排隊。呢啲威脅說話，仲要有泛暴派區議員托大腳話佢「霸氣」，真係睇到眼火爆。

舊年黑暴開始，美心集團旗下元氣壽司就頻繁無端被「裝修」。疫情初見平穩，一向從亂港中獲益嘅泛暴派日前又想挑起事端。其中袁嘉蔚就仗仗黑暴作威作福，仲自鳴得意，佢係facebook邀功話：自己經過元氣壽司，翻翻咁講咗句『點解而(啲)家都仲有人食元氣壽司?』，向前行兩步返返頭，有幾個人就開咗唔再排隊。

果然就有啲「黃絲」不以為恥反以為榮。袁嘉蔚同區區議員陳行沖讚佢：「霸氣!」「Roger Lee」都話「區議員講句野(嘢)都寧(零)含有霸氣」。「YM YU」更傳授陰招，「嗰人教Airdrop藍店不了，再企喺度睇一陣，都會有人走。」泛暴派次次搞所謂「抗爭」都講係為咗「民主自由」，廠家連市民想食餐元氣壽司都要受威脅，真係佢哋咁傻嘅。

香港文匯報記者 文根茂

有紋身文宣被「恰」? 「黃絲」篤灰: 佢先辱醫護

網議政事

「黃絲」成日以為自己可以打橫行。話說日前有「黃絲」喺醫院鬧事，之後竟發帖聲稱自己因為手肘嘅「香港加油」文宣紋身而被警察同埋公立醫院醫護「恰」。故事講得有細節、有人物，極之生動，但被「自己友」篤灰，話佢哋當日根本就係係急症室用粗口唔停辱罵，更對醫護人員動粗，最後先出動警察調停，而警察亦都客客氣氣做好分內事。有「黃絲」網民感嘆，個個為咗私怨搞到場「運動」變嘢質，而有嘢人都認識到人要冇咩理智，黑白是非唔可以顛倒。

嗰手肘內側搞咗好大塊「香港加油」紋身嘅「黃絲」[Sharon Yue]日前喺facebook聲稱自己發生咗家居意外，call白車入咗伊院，包紮後都仲留(流)緊血，輪椅經過嘅地方，「都會留(流)出一條血路。」跟住佢就開始指訴自己被人針對，

先係話「一名類似執頭執尾既(嘅)阿姐」，「大力咁擲張濕紙(嘅)棉花比(界)我」，又話「呢位阿姐最後發我牌氣走」，而佢表達不滿後，阿姐就即刻報警，講到自己好無辜。

佢跟住話警察要抄佢但佢同佢老公嘅身份證時候為難佢地，同理講唔出口，暗指警察有心「針對」，之後又話自己被警察同醫護「扯衫」、「不斷將我既(嘅)胸骨大力撞向醫院d (啲) 床側邊既(嘅)床架部分」，更故弄玄虛話「之後既(嘅)對白，都無謂逐一打出，大概，呢大半年大家都聽慣聽熟。」

最後，佢話去咗其他醫院處理傷勢，聲稱自己「由診症室行到出口，血路都由診症室拖到出口，描繪出一場好端端被欺凌嘅故事，更tag「一個紋身受盡委屈」、「無悔」、「香港人加油」、「我哋d (啲) 委屈算得係乜。」

自己飲醉酒 向醫護動粗

當然有班唔理事實嘅「黃絲」詛咒辱罵警察，但第二日「黃絲」專頁「急症狂人 Dr Kwong」篤灰，質問「Sharon Yue」點解唔講下自己喺醫院鬧事又對醫護動粗，話好地地睇醫生，「點解會搞到要call保安同警察?一般口角都唔需要啦，除非病人或者家屬動粗，好激動失控，又或者飲醉酒囉。」事主嘅朋友之後留言確認認咗當事人有飲酒。「急症狂人 Dr Kwong」就加多句，「黃藍是政見，但唔保證有良知同人格。」

事發當日嘅現場嘅「Alan Chan」都親言，話「Sharon Yue」自己飲醉話整親，但嚟幾個月又郁手郁腳，本來喺隔嚟(離)有人自殺先跟住嚟落口供嘅警察入去了解情況，係佢哋自己同警察投訴護士丟綿(棉)花，而「人地(警察)話忍你好耐，因為你大聲到想整聲人」，佢仲想用手提住警察，「人地(警察)本身就客客氣氣，係你自己勁激動先俾人警告唔好有身體接觸。」

不過，事主「Sharon Yue」就狡辯稱，如果佢真係有對醫護人員動粗，點解警察唔即刻拉佢，而其他點未有反駁，唔知係佢係係失晒底氣。

不斷爆出嘅「黃絲」醜聞，叫咗人感到好灰，「Noah Chan」感嘆，「唉，之後應該點行落去……鬥黃鬧走淺黃，個個都為咗私怨搞到場『運動』越走越遠……」

「Kitit Kit」都認識到「做人幾時都要保持理智! 對事非對人! 黑白是非不能顛倒!」

「Sharon Yue fb 圖片」

「有『黃絲』話俾警察同醫護『恰』，但被『自己友』篤灰，話佢係醫院鬧事。」

香港文匯報記者 文根茂

